

汾州府志卷之十二

食封

孟增史記趙世家云孟增幸於周成王是為宅臯狼徐廣

曰臯狼地名在西河索隱曰按如此說名孟增號宅臯狼而徐廣云臯狼地名在西河者按地里志臯狼是西河郡之縣名蓋孟增幸於周成王成王居之於臯狼故云宅臯狼

士會食邑在隨故左氏春秋亦稱隨會以上周

代王是為文帝漢書文帝紀高祖十一年定代地立子

恒為代王都中都說詳沿革

土軍侯宣義高祖十一年二月以擊陳豨功封邑千一

百戶謚曰式子孝侯莫如孫康侯平襲平子生元朔二

汾州府志卷十二 食封

年國除

鄔侯駟鈞齊哀王舅孝文元年四月封六年國除

離石侯劉綰代共王子元朔三年封後徙封涉侯

閻侯劉熹代共王子元朔三年封後徙封武原侯

隰城侯劉忠代共王子元朔三年封後徙封端氏侯

土軍侯劉郢客代共王子元朔三年封後徙封鉅乘侯

臯狼侯劉遷代共王子元朔三年封

中陽侯鮑永更始時以破青犢封光武初國除以上漢

中都公曹琬樊安公均子黃初二年以嗣豐愍王昂後

封其年徙長子公嘉平六年襲昂爵為豐王

中都侯孫資景初二年由樂陽亭侯晉封齊王立增邑三百戶並前千戶

京陵侯王昶嘉平二年以征吳功由武觀亭侯晉封邑三千七百戶後以克母邱儉文欽功封二子亭侯關內侯謚曰穆子渾襲

離石子孫宏咸熙中以父資舊勳封以上三國魏

西河王司馬斌宣帝弟咸寧三年由陳王徙封邑千七百一十戶謚曰繆子隱孫香繼襲

京陵縣公王渾初襲父昶爵京陵侯太康元年以平吳功增封八千戶晉公卒謚元子濟濟子卓襲

汾州府志 卷十二 食封 二

西河王司馬喜為石勒所執以上晉

離石侯石嵩卒葬萬戶山之西右趙

西河王元太興太和二十年由前京兆王改封子暉孫驚襲

永安侯魏勤太宗時封

西河公元敦平文帝之曾孫也太祖初被堅執銳名冠諸將後從征中山所向無前太宗時拜中都大官世祖時封子撥襲

西河公元石都天安元年封

永安侯劉乞歸孝文時封

平遙縣子司馬子如永安初封邑三百戶晉侯

以上北魏

永安縣分隰城置始於北魏太和十七年前此之永

安即今霍州永安城而孝昌二年西河郡及永安隰

城介休三縣俱喬置平陽界故北魏以前永安封爵

孝昌二年以後及東西魏西河永安隰城介休封爵

例不載入北魏之中都在今榆次縣又定陽未嘗喬

置介休故北魏之中都定陽封爵例不載入

辨詳沿革

西河王高紹仁文宣帝第四子天保初封

西河王高仁幾武成帝第八子天統三年六月封

西河縣公任延敬

汾州府志

卷十二

食封

三

西河郡公乞伏令和

以上北齊

西河縣公獨孤景雲廣阿縣公楷子周末以父功封

平遙縣伯鮑宏周平齊以功封

永安縣侯韋壽孝寬子建德中封靜帝初晉滑國公

永安縣伯杜產武帝時以戰功封周末晉襄武縣侯

永安縣男鄭元琮沛國公譚子宣帝初封

西河郡公乞伏慧仕周以軍功封隋仍舊封

以上北周

介國公宇文闡即周靜帝隋初封

介國公宇文永洛由虞國公改封

西河公紇豆陵

西河郡公竇洪景官驃騎大將軍封子儼孫明哲襲
平遙縣公鮑宏開皇初由平遙縣伯晉封

永安縣男鄭元珣周沛國公譚子開皇初封以上隋

永安王李孝基高祖從父弟武德元年封二年討劉武
周戰沒

西河郡公溫彥博武德初以勸幽州總管羅藝歸國封
貞觀四年晉虞國公

永安縣公姜寶誼武德初以佐命功封

介休縣公郭知運破突厥有功封

西河公竇敬遠孫善衡曾孫懷亶元孫印襲

汾州府志 卷十二 食封

四

西河郡公郭英乂後晉封定襄王

西河公張綸以上唐

西河郡開國侯相里金五代時

西河郡侯靳德淵元時

慶成王濟炫晉恭王第四子也晉恭王桐太祖第三子

母高皇后濟炫始生太祖方御慶成殿宴故他王率繫

以地而王獨號慶成國汾州成祖時坐事召還薨謚莊

惠子美靖嗣薨謚恭僖子鍾鎰嗣長子奇湏嘗代父理

府事薨死無辜七人晉王奉勅數慶成王失教責奇湏

罪奪冠帶降為庶人後更以孝聞鍾鎰薨謚溫穆奇湏

嗣正德中以賢孝聞賜勅褒獎薨謚端順子表
順王生子七十人嘉靖初尚書王瓊以聞表樂以茂寡
言孝友好文學嘉靖三十年壽八十詔書嘉獎其以金
幣表樂薨謚恭裕子知燦嗣薨謚安穆子新堤先卒謚
悼懷新堤子慎鍾嗣薨謚榮懿子斂范嗣薨子永掄嗣
薨子審贐嗣

永和王濟烺晉恭王第六子國汾州謚昭定子美塢襲
以罪廢子順僖王鍾鈇襲薨子榮懷王奇清襲薨子靖
惠王表柝襲薨子安簡王知燠襲薨子新墪襲薨子慎
鍾襲

汾州府志 卷十二 食封 五

平遙王佶焯潘簡王第三子也潘簡王模太祖第二子
一子母趙貴妃佶焯謚僖靖子惠恭王幼墪襲無嗣以
唐山悼愷王子鎮國將軍詮鑿奉祀以上明

公主湯沐邑北魏文成帝女西河長公主薛初古拔
尚主西河公主薛洪祚尚主唐順宗第四女西河公
主沈翬尚主

流寓

徐穉字孺子豫章南昌人舉有道拜太原太守不就穉
嘗到江夏設雞酒薄祭太尉黃瓊不告姓名時名士郭
林宗等數十人會葬聞之疑其穉也乃選能言語生茅

容輕騎追之。及於塗，容爲設飯，臨訣去。謂容曰：「爲我謝郭林宗，大樹將顛，非一繩所維，何爲栖栖不遑？」學處及林宗有母憂，釋往弔之，置生芻一束於廬前而去。衆怪不知其故，林宗曰：「此必南州高士徐孺子也。」詩不云乎：「生芻一束，其人如玉，吾無德以堪之。」而林宗建寧四年卒。陳留蔡伯楷，范陽盧子幹，扶風馬日磾等，遠來奔喪。

見酈道元水經注。

漢時

令狐楚，字殼士，宜州華原人。德棻之裔也。生五歲，能爲辭章。旣及第，桂管觀察使三拱愛其材，將辟楚，懼不至，乃先奏而後聘。雖在拱所，以父官并州，不得奉養，未嘗

汾州府志

卷十二

流寓

六

與宴樂。滿歲謝歸。李說嚴綬，鄭儋繼領太原，高其行，引在幕府，由掌書記至判官。德宗喜文，每省太原奏，必能辨楚所爲，數稱之。儋暴死，不及占後事，軍大譴，將爲亂。夜十數騎挺刃，邀取楚，使草遺奏，諸將圍視。楚色不變，秉筆輒就，以徧示士，皆感泣。一軍乃安。由是名益重。元和十二年，拜中書侍郎、同中書門下平章事。卒，謚曰文。稱賢相。楚少時，曾讀書綿山靜林書院，見宋咸平五年回鑾寺碑記。唐時

王庭筠，字子端，河東人。大定十六年間進士。明昌元年，罷官。卜居彰德，買田隆慮，讀書黃華山寺，因以自號。三

年詔爲應奉翰林文字遷翰林修撰泰和二年卒求生
平詩文藏之秘閣又以御製詩賜其家其引云王遵古
朕之故人也乃子庭筠又以才選直禁林者首尾十年
今茲云亡玉堂東觀無復斯人矣庭筠儀觀秀偉暮年
詩律深嚴七言長篇尤工險韻書法學米元章與趙沨
趙秉文俱以名家遵古爲汾州觀察判官時庭筠省親
至此有行書詩石四片舊志載其詩入藝文非是地所
作例不當入附錄於此其詩曰帝遣名山護此邦千家
瑟瑟嵌西窻山僧乞與山前地招客先開州雙州四十
也地四
雙嶂爲手拄一條青竹杖真成日挂百錢游夕陽欲下山

汾州府志 卷十二

流寓

七

更好深林無人不可留王母祠東古佛堂人傳棟宇自
隋唐年深寺廢無僧住滿谷西風栗葉黃挂鏡臺西挂
玉龍半山飛雪舞天風寒雲直上三千尺人道高歡避
暑宮

元好問字裕之太原秀容人七歲能詩年十四從陵川
郝晉卿學不事舉業淹貫經傳百家六年而業成下太
行渡大河爲箕山琴臺等詩禮部趙秉文見之以爲近
代無此作也於是名震京師官至行尙書省左司員外
郎金亡不仕爲文有繩尺備衆體其詩奇崛而絕雕刻
巧縟而謝綺麗五言高古沈鬱七言樂府不用古題特

出新意歌謠慷慨挾幽并之氣其長短句掄揚新聲以
寫恩怨者又數百篇兵後故老皆盡好問蔚爲一代宗
工四方碑版銘誌盡趨其門平遙超山有題名石云巳
亥秋八月十有四日自太原道往山陽留宿於此東山
元好問裕之題以上金時

孫翥字鳳儀汴梁人父仕元爲集賢殿大學士至正二
十八年四月九日明兵取洛陽執居守者令各寫平安
書以慰出征將士時翥之父獨不寫洪武年號投筆遂
自經死汾陽縣大相里卜山書院有翥所作詩碑序稱
恐歲月愈久傳聞失真乃泣血以紀其實庶他日太史

氏有所採焉其詩曰乾坤頌動風塵際父子君臣義獨
全身耻帝秦寧蹈海心知尊晉不書年孤忠闋苑三秋
月濁世齊州九點煙萬古姓名應不朽黃河如帶嶽如
拳又有八哀詩序稱至正戊申家僮自單懷來報鶴平
安因感時之不幸而志之不遂乃作八哀詩以洩其憤
其詩曰歷數乾坤破山河道路難鄴城秋草合易水朔
風寒賈勇曹劉壘輪平李杜壇林泉心不遂空報鶴平
安茅土恩雖重蕭牆禍已胎關山豺虎鬪江海鱉魚來
管樂才何忝風雲氣自迴深嗟王子晉愁霧鎖蓬萊萬
里長城壞千齡劫數遭卧龍終爲漢司馬巳歸曹秋風

纏金闕將軍折寶刀九重無路訴短髮不勝搔狡兔蹄
方健韓盧鼎欲燃旌旗朝入雒謗篋暮輸燕縛信高皇
詐開邊杜預賢憂時常痛哭淚入武功天服楚茅先入
吞吳沼可期君臣傾社稷天地限華夷否極還生泰時
安又致危百年文物盛涕泗墮瘡痍德厚唐虞帝寬深
蟣虱臣禁關排虎豹高閣閉麒麟咄咄年將宴漫漫夜
不晨屈原忠見放憔悴楚江濱帝座元都遠天門北海
深有人歌楚些無客問陳琳望闕千行淚思君一寸心
雷霆司號令幾日破重陰龍虎風雲散鯨鯢海水翻干
戈天下動宗廟聖人存跋跖防多難心肝奉至尊乘輿

千里目終日爲消魂案元史宰相表至正二十八年戊
申有左丞孫景益而不見列傳順帝紀於二十八年四
月亦疎漏失之故具錄翥詩以補史之闕遺元時

顧炎武字寧人崑山人以貢生薦授兵部司務再薦職
方司主事未仕其學上接漢唐考核之儒所著有音學
五書肇域志天下郡國利病書日知錄亭林集等書嘗
寓汾陽縣其金石文字記所載大相里齊天保三年相
里寺碑郭社村唐乾封二年郭君碑文侯村唐上元三
年上柱國任君碑小相里唐上騎都尉相里瑞碑晉天
福五年建雄節度使相里金碑皆身至其地摹拓者又

有詩見藝文。

李因篤字子德富平人與崑山顧炎武太原閻若璩皆以博古精考核爲學者所推重時稱爲關中李夫子其至汾陽因顧炎武遊汾時取道而來也。

傅山字青主陽曲人與汾陽胡庭友善其書法篆隸及詩古文辭一時珍貴之康熙戊午舉博學鴻辭授內閣中書未仕。

舊志列尹吉甫介之推卜子夏田子方段干木郭巨陳搏並涉傅合今不錄又吳悉達事見雜識。